



天 津 特 別 市

市 立 第 二 圖 書 館

04083



二 圖 書 館

28-10.5,000

黃門奉疏  
一



道光二十有五  
年歲在己春  
三月海甯楊氏  
述鄭齋重雕



欽定四庫全書提要

楊黃門奏疏



國朝楊雍建撰雍正字自西一字以齋海甯人順治乙未進士官至兵部侍郎此編乃其官給事中時所上奏疏故以黃門爲名前有康熙元年胡兆龍序謂雍正壬寅假歸梓其前後疏章三十餘篇又自序云歷吏禮兵刑四垣章凡三十餘上今卷內實五十一篇末四篇稱西臺奏議蓋康熙十

黃門奏疏

提要

八年官左副都御史時也目錄後有自識云余以內陞復入垣署章奏及西臺諸疏原稟散失無存賴吾姪存理中發畱心蒐輯得以續梓然則此所載者蓋合前後所刻通爲一編矣

敘

閒常慕古直臣之風烈所謂指斥乘輿則天子動色摩切當路則公卿避位者吁豈不偉哉夫國家方隆平綱舉日張莫敢以叢脞隳百事公卿兢兢守職慮玷清議負朝廷其憚言路之摩切宜矣若夫天子至尊嚴怒非止若雷霆也虛己而求諫和顏色而受之臣下尙懷攫鱗之恐孰敢以倖直嘗蓋傳不云乎信而後諫人臣先自正而後可以正君是以貴所養也我

黃門奏疏

原序

一

世祖皇帝以天挺之資弘三五之治愾想直言崇諫官  
廣聽采作表忠記

賜臣僚旌往昔以風來者於是言路莫不鼓動奮發  
端揆六卿牧伯戲下人人惕息震恐惴惴然虞  
救過不贍昌言不諱之風可謂盛矣歲丁酉自  
西楊君以高要令稱循良

召入內庭授兵垣給諫時

駕數巡幸南苑講武蒐田給諫首上書諫獵請養

聖躬慎出入毋勤於原獸

世祖皇帝赫然震怒謂

國家以武定禍亂順時于田示不敢忘戰豈其舍穡  
事而思麀牡會方

前跪

召文學之臣問對苑庭公卿百職事咸在傳宣給諫  
面數之令免冠謝給諫但對曰臣惟知忠愛

陛下心無他

上益怒色變往返數數過給諫譙讓不已

廷臣聞者皆股栗慮得罪且不測給諫神色不動

黃門奏疏

原序

二

上乃曰而詎不聞善則歸君過則歸己乎奈何翹翹

然沾直聲將謂

朕盤于游畋欲方何代主於是給諫始一頓首謝曰

此則臣罪然

上固已心重之匪直不加譴責後凡有章奏未嘗不

亟稱善爰及

今皇帝繼志述事有不言言輒聽可故給諫遭時遇  
主得以條列便宜言民所疾苦小入則小利大入則  
大利以此也給諫爲人性高簡介而不期諧俗

退

朝燕處謝賓客勿通亦不好數過同列第日取

中朝所下章奏反覆閱視推求其是非得失有所見  
未常不直陳律已嚴自爲令及官清要拒苞苴  
賂遺惟謹生平漸靡六經之義貫通傳註老生  
宿儒不能及故見機必明持論必正吾故曰貴  
所養也藉令自信無素安能言人所不敢言忠  
而見許直而見容名顯乎天壤功存乎生民若  
此之巍巍哉今年壬寅給諫方請

黃門奏疏

原序

三

假歸里梓其前後疏草三十餘篇布之通都就正于  
有道且以備他日作史者之採擇而索予言序  
之蓋天下之服給諫者以其敢言而立身本末  
修性行己之素或未之詳也予故爲推原給諫  
所用結

主知遂忠蓋侃侃正論而無沮之本如此夫朝宁有  
直臣主德之隆也王珪魏徵千秋誦義無窮而  
貞觀以是增美季代之主諛言日進而後世譏  
之故退焚草藁臣心則厚矣而反使一時轉圜

納諫之盛事掩而不彰給諫官言路犯

天威海內無不知如不取年來疏草

批答之詞公之眾覽將

世祖皇帝

今皇帝虛已聽言之大德茂由章徹于百世然則梓  
行又烏可少哉

康熙元年秋七月

賜進士出身資政大夫太子少保吏部左侍郎前

經筵日講官禮部右侍郎文淵閣內祕書院學士未

黃門奏疏

原序

四

戊亥丑四科教習庶吉士胡兆龍題

世宗憲皇帝

天恩博厚無不賦賦不取年來疏草

輪輶之盛事誠而不違

順治康熙閒海昌楊自西侍郎以學行受

兩朝特達之知由高要令擢登諫職歷吏禮兵刑四  
垣章三十餘上輒見施行及乞病歸乃自梓其所陳  
奏而自序所言兢兢以奉

世祖章皇帝勿欺爲本之

訓而致嚴於公私義利之辨至詳且切夫公私義利  
之辨人孰不知之然而出於無所爲而爲之公且義  
者恆少而出於有所爲而爲之私且私者恆多何也  
豈其識有不足而眩惑於事幾之當否與抑亦不能  
黃門奏疏

陳序

以勿欺爲本而先不能有毋自欺之念以清其源與  
若侍郎者信可謂表裏如一而忠誠以事

君者矣胡少保兆龍序侍郎奏疏言侍郎性高簡介  
而不期諧俗燕處常謝賓客而日取

中朝所下章奏反覆推求其是非得失詩曰職思其  
居又曰職思其外夫不獨思其居抑且思其外此孔  
子所以以每事問爲禮而進思盡忠退思補過所以  
爲靖共爾位也若侍郎者信可謂無媿於其職是以

能受

兩朝特達之知而後之讀奏疏者其亦當求諸其本矣公之元孫芸士文蓀以舊板漫漶將爲重刻而索余爲序乃述其愷慕之誠如此云

道光十四年秋九月禮部左侍郎新城陳用光謹序

黃門奏疏

陳序

二

自序

昔在

世祖皇帝之諭曰人臣事君勿欺爲本大哉

王言每三復之未嘗不凜然內省也任之艱鉅無踰

諫官奈何弗敬夫諫官言爲職也立言者莫大

乎公私義利之辨而已無所爲而爲者曰公曰

義有所爲而爲者曰私曰利言生於心入告於

君奉

命而出則共諸寮采矣置郵而傳則達之天下矣爲

黃門奏疏

自序

公爲私孰義孰利而人品邪正見焉胡可掩也

言生於心也必可以對其心斯可以對我

后必可以對我

后斯可以對寮采并可對天下自余爲端州令甫踰

年荷

先帝特恩拔置諫垣兢兢乎愧未能盡職復蒙

今上不次擢遷俾列刑垣之長遭逢

盛世從諫如流而碌碌無所表見余愧滋甚余惟學

以別公私審義利也出於公入於私出於義入



於利言而私與利謂之欺生平所學何事其敢  
蹈欺蔽以速官誥也歷吏禮兵刑四垣章凡三  
十餘上詎謂一言有當願自勉於勿欺云爾歐  
陽公作諫院題名記蓋使人惕然於公私義利  
之不可掩余故不焚而梓之以聽世之覽觀者  
康熙二年仲春穀旦

賜進士出身

特簡刑科都給事中前吏禮兵科左右給事中楊雍

建自序

黃門奏疏

自序

二

光祿大夫兵部左侍郎楊公神道碑銘

秀水朱彝尊

公諱雍正字自西一字以齋姓楊氏杭州海鹽人補嘉興府學生貢入國子監順治甲午舉順天鄉試明年乙未會試中式  
賜同進士出身除知高要縣事充廣東丁酉鄉試同考官擢授兵科給事中轉禮科右給事中充己亥會試同考官再轉吏科左給事中進刑科都給事中以疾去尋起原官內升以京卿需次田里復

黃門奏疏

神道碑

一

召入省食四品俸管戶科給事中轉禮科掌印給事中遷兵部督捕右理事官晉右通政使轉左厯太僕寺卿擢都察院左副都御史充己未會試總裁奉

詔巡撫貴州

覃恩封光祿大夫都察院右副都御史加三級入爲兵部左侍郎以母年高上章乞終養奉 天恩准其報可歸侍奉者四載旣免喪分命修理高堰以勞成疾引還此公立本朝持節在野之進退本末也高要當廣右之衝制府駐節於是師

行絡繹供億甚煩羽書一至徵民夫累百動遭鞭笞夫遇點冊逃避吏胥繫之若牽羊犬納諸扉宇隙地凍餒者多公下車未久歲除飲椒酒起曰民夫亦人子何忍使之露宿命徙廊廡下兼徹酒饌給之夫泥首謝有泣下者平南靖南兩藩王兼鎮南海鹽穀絲麻輸官價百倍而縣境羚羊峽產硯遣其掾采石日役黃岡村夫匠無算篝火入巖穴有失氣死者公力減浮費掾以視奉公卻不受人或比之包孝肅云師中索榕樹條爲緇繩以燃礮火風雨不熄有百夫長

黃門奏疏

神道碑

二

持軍符下縣徵解語不遜公坐而撻之泣告其帥帥愬之制府王公國光王公語曰書生彊項廉吏方剛是不可犯乃杖百夫長薦公于朝故事州縣守令歷再朞始預薦牘三年方報最其次給由量銓公治高要甫一載就徵洵異數矣

世祖章皇帝召試者再授兵科給事中時駕數幸南海子公首上疏請慎起居其略曰郊原陟歷雖非畋游可比然獸起于前馬逸于後驚屬車之清塵不能無萬有一危之慮

世祖震怒宣公跪苑庭面數其罪公神色不動

世祖徐爲霽容尋備陳廣東八害大指謂委署太監雜派太煩里役無定例用夫無限數鹽埠日橫私稅日盈砍柴采木肆流毒皆切中時弊且云以敝劫之粵民任兩藩王之公務爲力不支目今川貴底定合移一王坐鎮其地斯則盈庭不敢置議者公以小臣新進獨奮舌及之旣而靖南移鎮福建人咸謂公之啓沃上協

天衷者深也明季東南文士倡爲復社海內應之著

黃門奏疏

神道碑

三

錄者二千餘人其後十室之邑三家之邨莫不立有文社泣牲以盟張樂而讌與者結路人爲弟昆道不同則親懿視同讐敵凶終隙末靡所不有公上言朋黨之禍釀于草野欲塞其源必先杜絕盟社得

旨飭學臣嚴禁焉由是士知閉戶讀書各敬其業公事

世祖厯三垣三載疏前後三十上嘗一日而上九疏於是臺省敢諫之臣數浙人居多而輿論以公於天下事獨見其大羣推公居第一今

天子卽阼方在諒闇奏事者見顧命輔臣皆長跪公  
入獨立而語輔臣以目送公曰此南苑上書諫獵者  
也自是奏事者不跪及復起掌刑科印歲在甲辰冬  
有星孛于翼軫抵降婁公之同官有言此名含譽星  
爲今

天子受命之祥非彗也公上言宋咸平初彗見營室  
明成化中彗掃三台出天田入太微垣考其時或下  
詔求言或允羣臣言修省故不爲災敢請  
皇上清宮齋戒力圖修省發

黃門奏疏

神道碑

四

德音下

詔旨廣求直言詳詢利病有可惠百姓者立賜舉行  
并飭內外文武大小臣工滌慮洗心共修職業則無  
難轉禍爲福

天子以公從直建言可嘉優

旨荅之遂赦天下公於天安門聽宣讀赦書是日接  
御前發下紅本二獄囚當決吏籍紙尾進請抄發公  
曰昨頒赦而今日行刑是  
詔令不信于天下也紅本當封還同官皆變色爭言

不可公曰六科以封駁爲職古也吾封之咎吾任之不以累公有

旨三法司再議二囚得不死用是直聲益震朝野公之出撫貴州也湖北川東甫定道次銅仁無一卒之衛賊烽火迫城下官屬請避去公曰銅仁黔地巡撫身任封疆去安之因命燔其後山開南門以待偵者賊疑有伏不敢前既至貴陽疏立營制禁掠蠲賦稅省力役安集雁戶俾有寧居師旋有約束不明者輒上章劾奏軍中号爲楊一本舊例苗名長官謁見

黃門奏疏

神道碑

五

巡撫必鳴鼓角交戟支于門俾拜其下公曰無庸引至座前問疾苦予以飲食土司咸輸服公之始至也貴陽斗米直五千錢公請餉之章屢告輓運相繼士飽馬騰民獲宴安版圖旣復翦其荒茅叢箐教以耕糴此及三年芸鼓稻田遂成樂土

天子嘉公成績特

召爲兵部左侍郎公在行間久諸習軍政西南徼將弁多公拔擢以是入贊中樞若明鏡無塵雖遠畢照及歸養北堂晨羞夕膳而以糲糲自甘遇簞笠舊交

胸無水旱冰炭田衣山屐舍車而徒行道者不知爲  
一品貴人也公之文學早見知于

世祖稱公所上章奏盡好文字迨巡撫

命下入謝

賜宴瀛臺舊例止予鞍馬甲冑而已公獨拜

命騎入東華門加賜白金五百兩表裏各十段以行

天子時巡公迎 鑾三百里外

御書松喬堂扁俾懸于宅計聞

賜祭葬如典禮公所撰有黃門疏稟二卷撫黔奏疏

黃門奏疏

神道碑

六

八卷政學編一卷景疏樓詩文十卷自怡集一卷曾  
祖鸞祖萬年不仕考斌學官弟子均以公貴累贈光  
祿大夫娶唐氏

誥封一品夫人先公卒子男四人中訥康熙辛未庶  
吉士授翰林院編修加二級愼言戊午副榜貢生中  
哲國子監生選授廬州府通判中吉歲貢生女一人  
嫁國子監生陸世璜孫男九人守知庚辰進士淮安  
府同知餘未進籍孫女八人皆適士族曾孫女二人  
尚幼公生于年月日卒于年月日夫人唐氏生于年

月日卒于年月日康熙丁亥十一月中訥等卜壤于縣治東三十里湯家峴合葬公夫人于新阡先期來乞碑銘彝尊昔游嶺表舍館公所於公爲老賓客知公爲詳念公一語一言必準于古從容以和和而能介剛無虐簡無傲激不清撓不濁其盛美不可得而具書特粗舉大綱焉爾系之銘曰

鹽官漢縣左海環之百谷所歸曾不盈而篤生楊公文武兼資學原王鄭書偕褚薛早貢成均如圭琢切名高淡墨柳袍是纈牽絲奉檄百里瞻言不畏彊禦黃門奏疏

神道碑

七

不憚上官憂民之憂晨暮罷餐公之宰邑暮月而可帝有恩言夙駕鳧舸入居八舍掖門之左袖書諫獵首犯逆鱗雷封雖過哀彼瘴人有言無隱有氣必伸息事寧人輕徭薄賦夤緣務絕朋比用杜譬諸樹藝先去其蠹入告我

后敬天之渝星違其次修省是圖

帝曰直哉乃下赦書古給事中塗歸駿正降而結舌有順無爭公當疾風草心尤勁謂赦旣頒決囚非宜封還

詔旨侃侃不阿法司服念出諸網羅臺諫陳言發部  
議事所司覆奏曰毋庸議公斥其非傲于有位粵檜  
帝典納言命龍周有伯罔僕臣是庸若三獨坐九庶  
所宗

帝曰黔南寇虐未遏誕弄銀章俾撫天末公拜稽首  
爰辭

禁闈邇者懷之遠者綏之策我庶士張我六師犵童  
棘女烝然來思反側旣安疆宇日闢伐其棘荆播以  
黍稷乃亦有秋樂國樂國

黃門奏疏

神道碑

八

帝眷勞臣入爲司馬袞衣遄歸薄言觀者公望公才  
舍公誰也今之仕者莫有遐心知進不退終焉陸沈  
公請養母孝思足欽天之報施於善人厚子孫繩繩  
各佩章綬百祿攸宜克昌厥後旣得吉卜神兮式馮  
丸丸松柏秀于岡陵我銘以實國史是徵

黃門奏疏目錄

卷上

請慎起居疏

亟除東粵大害疏

銓法混淆疏

戶部差規疏

嚴革矜竄疏

會試屆期請嚴私謁疏

急籌三省援剿疏

黃門奏疏

目錄

封疆責在樞臣疏

微臣前任帶徵疏

闢邪說以正人心疏

今秋鄉試屆期北闈簾官宜慎疏

鹽法有難清之弊疏

嚴禁社盟疏

改給奉有俞旨疏

請別假冒之姦疏

直陳登聞四事疏

早荒萬分疏

請廣直言疏

請弭盜賊疏

請蠲租稅疏

請訓平糴疏

卷下

請溥恩施疏

請議賑濟疏

請插流區疏

黃門奏疏

目錄

請理冤獄疏

直陳疲邑六害疏

臬司現奉回奏疏

站銀當核實疏

特參惡棍疏

恭繹上諭疏

盛京發祥重地疏

刑官誤漕疏

敬陳會推末議疏

叩闈原以申寃疏

請停丈量疏

敬因星象之異恭陳修省之實疏

西修省既切 皇情臣工竝宜引咎疏

恩詔方新用刑宜慎疏

法祖爲敬 天之實疏

直陳改折白糧之害疏

安民惟在休息疏

宸衷採納甚殷部覆成見未化疏

黃門奏疏

目錄

三

推廣欽恤疏

遵旨明白指實具奏疏

服用之僭疏

繁簡之更調既不允行大縣之分疆急宜通變疏

副卷錄取失均疏

西臺奏議

撫臣庸碌疏

請復拾遺疏

捏報之弊疏

捐納縣令宜另立勸懲疏

余以內陞復入垣署章奏及西臺諸疏原稟散失無存賴吾姪存理中發畱心蒐輯得以續梓二子勞不可泯附記於此

先高祖少司馬公黃門奏疏初刊于康熙元年至康熙三十年間復經增輯彙成是編迄今一百五十餘年板久殘缺其存者亦多漫漶曩者屢謀重刊新城陳碩士少宗伯曾爲作序又十年始得刊成攷四庫

黃門奏疏

目錄

四

全書提要及郡縣志所載是編均無卷數惟朱竹垞檢討撰神道碑作二卷竊以篇帙太多不能不分卷帙謹釐爲上下二卷以符神道碑所載道光二十五年正月甲

戌元孫

文蓀

謹識

黃門奏疏附錄于東

二子幾不可辨

夫無音跡吾致存脈中得留心其體骨以應

余應內望其人取器章奏又西臺諸疏

詳察編令宜另立勸懲疏

黃門奏疏卷上

兵科給事中

臣

楊雍建謹

題爲請慎起居以重

皇躬以慰羣望事

臣惟

人君一身

天地

宗廟社稷之主百官萬民之所待命遐方異域之所式瞻也其關係甚重則所以保惜愛護之者自不宜暫輕

黃門奏疏

卷上

皇上親政以來躬理萬幾如耕籍田行釋奠御經筵動必以正求言若渴樂善不倦雖虞舜之好問好察大禹之無怠無荒何以加焉而微臣惓惓之意有不能自己者本月初二日<sub>臣</sub>辦事垣中奉閣臣傳

諭孟春初五日當躬享

太廟因

上體一時違和或未親祀先傳與爾等共知<sub>臣</sub>惟皇上敷政好學宵旰靡寧勤勞太過正宜深宮靜攝



以養安寧之祉且聖賢對越之理無時不在則遣官致祭揆之孝享之德未嘗有違也及

臣於

初五日早

朝覲天仗之森列瞻庭燎之有輝方夜未央而

鸞輿卽詣

廟中矣一時臣下以爲

睿體悅康中心共慶且祀事孔將必誠必親無不云

皇上之敬

天地也如此

黃門奏疏

皇上之敬

祖宗也如此然而戴星履霜以修祀典

皇躬雖曰已豫尤宜自愛爲重乃回宮未幾復有幸

南海子之行寒威方冽晨曦未開涉厯郊原非

所以保惜而愛護之道也

臣

聞左史以記言也

右史以記動也春秋君舉必書誠慎之矣古之

王者在輿有旅賁之規位宁有官師之典倚几

有誦御之諫居寢有警御之箴所以昭德塞違

疑神定志也夏諺曰吾王不遊吾何以休遊豫

雖聖王不廢但貴乎擗節而慎重焉耳且夫安  
不忘危古之訓也乃春蒐夏苗秋獮冬狩猶各  
有其時則非輕出可知我

皇上神武天縱計深慮遠原非于畋于遊者可比然  
而獸起于前馬逸於後驚屬車之清塵者不能  
無萬有一危之慮犬馬愚忠實有寢臥不寧者  
伏願

皇上爲

天地

黃門奏疏

卷上

三

祖宗臣工億兆而愛此身起居必謹出入以時則清明  
強固實奠

宗社億萬世無疆之社臣草茅新進謬肆狂瞽伏惟

裁納臣愚幸甚天下幸甚

順治十六年正月十一日具題十五日奉

旨知道了該部知道

兵科給事中臣楊雍建謹

題爲亟除東粵之大害以拯積困之殘黎事臣海

隅豎儒嶺外下吏荷

皇上特簡隆恩兩試南苑拔置兵垣雖捐頂踵無以圖報萬一夫盡忠者人臣之至性况居得言之地而不竭其悃誠非所以仰荅

高厚也臣爲吏粵東目擊今日之粵民顛連困苦爲已極矣兵燹甫定元氣未復供輸之艱賣男鬻女而不足誅求之擾敲骨吸髓而難充富者無樂乎有產貧者不如其無生及今不有以休息之則流亾日盡漸至土滿夫孰非

黃門奏疏

卷上

四

皇上之赤子其棄之也然休息之法必先去其害政臣所聞所見據實直陳大抵委署太濫也雜派太繁也里役無定例也用夫無限數也鹽埠日橫也私稅日盈也砍柴之肆虐也採木之流毒也何謂委署太濫印官缺員當擇見任佐貳首領之廉能者攝之業奉

功令而粵東則不然有等市井無賴不知來歷出身

蜂聚廣城。囑遇缺出重賄。鑽營務求必得。或數人奏本。一人居官。或一委未已。復圖再委。遇事風生。取償本利。忘却身命。真如劫賊。雖事露而掛彈章。地方已受其荼毒矣。又况有遊手冒名飽而颺去。主者曲護。前非并不敢形之章奏者。則爲害益不可問。今與其摘之於後。不若慎之於先。請

嚴飭督撫。按訪查若輩。盡行驅出境外。倘遇缺員。必於見任中擇委。隨即

黃門奏疏

卷上

五

題請部選。弗至稽延。如仍前濫委者。治以私通賄賂之罪。則鑽營杜而吏治得清矣。何謂雜派。太繁。粵東額外之派。幾倍於正賦。有夫役匠役之派。有河船馬船哨船之派。有礮車鉛藥器具之派。俱在正項之外。猶曰軍需耳。突有持藩令而至州縣者。採買稻子名曰王穀。採買鹽包名曰王蓆。如某處出產某物。卽採辦。是物非無發價之名。巧肆攫取之計。民受其價。每三四倍以納之。更且勒索。供應。詬訾州縣。鞭撻小民。額外之

額耗外之耗膏血幾何其能堪此自今請

敕督撫按凡軍興所需取諸地方者雖纖毫必造冊  
達部稽查至如兩藩有取辦於民間者不得徑  
行道府州縣必由該撫酌其所買者作何應用  
果係軍務攸關亦必悉照時價給發則橫斂絕  
而民命稍甦矣何謂里役無定例有產當差固  
其分也今不立良法而竟使里長輪流值月上  
司之什物於是取之軍旅之供億於是辦之衝  
途絡繹事無公私大小悉以問之值月甚而官  
索贄儀吏勒陋規幾以里長爲利穴奇貨恣意  
噬嚙也或愚民畏事倩人代當其中刁惡之輩  
自相魚內指一派十因公科斂民奈何不窮且  
盜也宜

令該撫轉行各州縣從長酌議革除值月之例量徵  
雜項若干以備支應但須每季核算以杜加派  
侵漁則徭役定而冒濫可免矣何謂用夫無限  
數夫役雖雜派之一而用之無度民無餘力彼  
紛紛索夫者非盡勘合火牌之可據也大抵藩

鎮之牌上司之票耳或云差遣公幹挑送行李  
或云往來投文指引路途或興土木之工或運  
貿易之物或喂養馬匹或割辦青草咆哮逼迫  
有司莫可誰何究且不以夫爲力而以夫爲財  
每夫一名措折銀伍陸錢不等而去此處旣折  
而至彼處仍復取夫所過地方在在受累民旣  
勞其筋骨又遭其鞭撻良可憫也合請

天語嚴行申飭於各州縣驛路立木榜刊示除勘合  
火牌外不得妄役民夫如仍前故違依律治罪

黃門奏疏

卷上

七

則民力寬而農工無妨矣何謂鹽埠日橫鹽埠  
之害廣西按臣田昇龍已言之而廣東尤甚奸  
商借納餉之名私立各埠高擡時價插沙和土  
延村計口坐派多鹽不問貧富不分老幼旣論  
口而扭派復限期而逼價帶刀挾矢突入民室  
奸淫暴戾無所不至甚或藉口藏匿私鹽鎖拏  
嚇詐究竟未嘗納餉銷引致累各官考成厲民

病

國蠹莫大焉莫若痛革私埠平其價直則官鹽行

而私販自消矣何謂私稅日盈關稅之設原以助國用而粵東每多私稅卽以潮州一處而論自潮州至石上路不及二百里而抽稅者數處始石上次大浦次三河次蔡家圍次廣濟橋惟廣濟橋載之經制其餘悉皆私設私稅增則商困商困則物貴物貴則民困專利孔而藐王章罪孰甚焉宜

敕下撫按嚴行禁革倘有本處土官及鎮防諸弁不遵

黃門奏疏

卷上

八

功令者道府卽行揭報指名

題叅則商賈通而物價亦平矣何謂砍柴之肆虐粵民自田產而外皆以菓木爲生息有強橫兵丁結隊聯舟以砍取柴火爲名擾掠鄉村伐人墳木截人菓樹小民無奈多金求免至於汚辱婦女劫奪財物道路因而斷絕雞犬爲之不寧種種擾害在肇慶府治更多督臣王國光雖屢行驅逐而旋散旋聚倏彼倏此終無寧宇臣不知鎮防將領之紀律何在也請

旨嚴禁如遇此等兵丁以軍法從事倘鎮將徇縱督撫按立刻

題叅則軍紀肅而地方安枕矣何謂採木之流毒凡各縣開山已無民商盡屬營頭踞占終年刊運常累民夫及王有採買反在民間問之而民不得不購諸王商以應重價既賒解運復苦此皆流棍私乞玉牌便赴州縣立限嚴催急若風火凡此遺黎敢怨而不敢言請

飭督撫按嚴查營頭所佔立時清出竝不許問民間黃門奏疏

卷上

九

採木滋擾則刑運罷而勒索罔施矣以上諸款害雖未盡於此而此尤其較著者爲今日之粵民去其疾苦卽爲今日之粵民謀其生聚一方安而天下安是在

皇上之大奮乾斷而行之耳

臣

近閱邸報見靖南王

備陳粵地拮据艱難一疏內稱官兵家口衆多難以自給夫以疲困之粵民而支兩藩之公務爲力誠難然措處固宜悉計原本不可過傷見今川貴底定彈壓貴乎有人合無移一王坐鎮

其地則兩粵省拮据之繁而川貴併收屏翰之  
效敢因粵民之疾苦而并及之  
小臣新進不知  
忌諱止知從

國計民生起見字多溢格統祈

鑒宥採納施行

順治十六年正月十一日具題本月二十日奉  
旨該部察議具奏

兵部題爲亟除東粵之大害以拯積困之殘黎  
事職方司案呈覆兵科給事中楊雍建題前事

黃門奏疏

卷上

十

等因奉

旨據奏廣東各縣開山營頭占踞終年刊運常累民  
夫流棍私乞玉牌催買致民既賠重價又苦解運殊  
爲不法藩王職掌軍務與民事無涉濫發牌票害民  
於理不合以後着嚴加禁飭餘依議行

兵科給事中 臣 楊雍建謹

題爲銓法混淆多端不止覆議有失謹據事指陳

仰祈

睿鑒嚴飭以破積習以儆將來事 臣 近讀

上諭諭吏部爲六卿之首職司用人凡吏治民生重大事務皆當盡心籌畫詳切具覆方爲不負委任近來爾部一切議奏本章多拘相沿陋例但云已經具覆在案卽各官條陳亦不詳看言其果否可行此皆不肯敬慎存心眞實任事只圖草率結局

黃門奏疏

卷上

十一

負朕委任至意殊不合理以後若不悉心着意詳明覆奏仍前草率定行治罪不饒特諭欽此仰見我

皇上深悉知人任使所關甚大務期敬慎以襄上理

臣 聞昔臣有云天下未治皆百官不職之罪也百官失職皆吏部之罪也我

皇上勵精求治若此其勤而臣下不能早作夜思斟

酌確當卽覆

奏本章屢煩

睿慮批駁下部更議甚非所以矢靖獻佐隆平也願  
上諭所及謂銓臣議奏草率耳孰知銓臣草率之咎  
有不止于議奏者人言嘖嘖咸謂銓法舛謬種  
種不一臣備員言路有聞必

告義難緘默以負

皇上簡拔謹先就所聞一二端爲

皇上陳之如大理寺司務缺出去年十二月二十日  
出榜取國子監學正王天成陞補及天成赴部  
辯論云不應陞乃于今年正月二十日將學錄

黃門奏疏

卷上

十一

劉涵之推陞夫天成不應陞也何以遽爾出序  
涵之果應陞也何以始序無名且品級考亦有  
陞同知通判之途今乃藉口蔭生不陞助教仍  
陞司務或扣或取先後不符此臣之所未解也  
且十日一推天成旣不應陞而陞涵之不予當  
時改定乃遷遲一月使學錄一缺歸于大選舍  
裁缺之張惟德而選司現延捱之際遂滋疑議  
此又臣之所未解也推陞有人先付考功司查  
有無叅罰必俟功司回付然後推用此定例也

聞長蘆運同缺出二月廿四日籤陞永平府同知王覺民矣廿五日功司忽行一付云覺民署縣事馬價未完一分因而扣缺何不查於未陞之前而停於既陞之後安知非打點陰謀吏胥上下其手因有欲補之官遂扣已陞之缺俟陞俟扣之間視爲故套成何銓法此又臣之所未解也更可異者陳卣以本部司務乃以不陞戶部員外之故具呈援例抗辯銓堂何地陞補何事未聞

黃門奏疏

卷上

三

朝廷爵祿之典而可以私意爭者陳卣之爲公爲私臣不具論但既經呈揭在案是非果否有據便當從實具

題直窮到底何以聲言叅處終爾舍隱不發使銓法不足以服本部之司務而又何以進退天下之人才乎此又臣之所未解也臣聞銓衡者蓋謂銓次羣僚量度人物如衡之平也庶司分其事冢宰總其成臣於冢臣孫廷銓不能無議焉冢臣以選司歷陞卿貳受

皇上格外之恩委任今職是宜銓政無不諳矣是宜  
言臣衡量無不平矣乃今舛謬之端不一而足卽云  
司官之事吏胥之過豈有身爲冢臣在先漫無  
鑒音確察在後又無指叅何以服衆多之心而塞道  
路之口臣愈不能爲冢臣解也伏乞

天語嚴飭使一一釐剔以仰副

皇上敬慎至意庶積習除而銓政肅清矣抑臣更有

請者內外臣工或有註誤俱着吏部議處所以  
示懲也若以吏部之失仍聽吏部自議自奏豈

黃門奏疏

卷上

十四

無徇庇輕重之嫌臣請自今以後如吏部或有

應議之罪竟請

乾斷特加處分或下該部會同都察院核實議

奏於以擴大公而昭至正在吏部亦不至有徇庇

嫌疑之迹矣臣從銓政起見不避怨謫統祈

鑒宥施行

順治十六年三月十六日具題本月二十日奉

旨這所叅事情着吏部明白回奏

禮科右給事中 臣 楊雍建謹

題爲戶部差規獨異請

敕畫一以清弊竇事切照戶工二部司官與都察院  
御史俱辦事三月方准出差此定例也顧新陞  
新授者以到任日爲始京差無考核者以交代  
日爲始遇滿三月挨序掣差無可訾議而外差  
回部者其爲辦事三月則有兩等之異若工部  
都察院俱以考核

命下之日爲始而戶部獨以回部之日爲始 臣 見工

黃門奏疏

卷上

五

部覆 臣 同官蘭挺達部差宜有定規一疏內開  
凡京差以交代之日爲序外差以考核

命下之日爲序新陞新授以到任之日爲序又見都  
察院請定風憲事宜一疏內一款差滿回道以  
考核

命下之日爲準在道辦事三個月方許列名請差如  
出差乏人雖不足三月亦可開列具

題業經九卿科道會議奉有

俞旨遵行在案是工部與都察院俱以

命下之日爲始此至公而無弊者也戶部何獨不然  
皇土夫以回部之日爲始差回各官往往借考核之  
遲速覷後差之高下差未善者故意延捱以推  
諸新陞新授之人一有美地卽時考核以俟掣  
差故有考核

命下不過一二日而忽已得再差者止因從回部時  
算起或踰三月之期而新陞新授者遂不敢不  
計日而讓之此中機巧止爭頃刻疾徐遲早權  
自己操積習相仍牢不可破此不但部與院異

黃門奏疏

卷上

六

卽部亦與部異也豈法之至公者哉臣愚以爲  
無弊之道斷當以工部與都察院爲法蓋未經  
考核之先錢糧未曾察核單簿未曾磨對則是  
功罪尙未定而黜陟尙未分也焉得許其回司  
焉得許其管事若以回部之日卽爲辦事之日  
則後來考核之疏所云相應准其回司管事者  
不幾爲贅詞乎任意欺朦臣竊感焉伏乞

皇上敕下戶部照工部都察院事例歸於畫一庶彼  
此不致參差而考核無用遲延差規之弊可立

清耳更有請者戶部完銅之期已限回部兩月  
矣差回各官果能一一如限否如蕪湖鈔關王  
維藩已經革職回籍迄今三年銅尙未清不知  
此項銅劬果爲本官冒濫乎抑爲書吏侵欺也  
何以遲之又久漫無着落請乞

敕部一併嚴察則

功令肅而積弊除矣

順治十六年閏三月十三日具題本月十七日

奉

黃門奏疏

卷上

七

旨戶部察議具奏

禮科右給事中臣楊雍建議

題爲嚴革衿蠹以安民生以端士習事臣惟懲貪

之法先戢其類除蠹之方必清其窟今日之巨

蠹不在一州一邑而在上司衙門何也州縣衙

役作奸犯科事露難容勢必資充府廳司道之

役再經敗露究必潛藏督撫按衙門一爲督撫

按書吏承舍莫敢過而問焉多有漏網終身者

矣屢經諸臣條議督撫蠹役責成巡按訪拿又

巡方不許用舊役奉行已久皆所以祛蠹也惟

黃門奏疏

卷上

十六

是名列青衿買充上司書吏差士類而玷宮牆

爲諸臣所未言者請爲

皇上陳之臣聞江浙督撫按書吏嘗有生員充做或

以行劣黜革而買承或見在學宮而兼充多者

用銀四五千兩少亦一二千兩授受相承名曰

頂首數人朋買一缺上下輪班上班則爲督撫

按私人下班則與有司分庭抗禮以青青子衿

爲赫赫臺辦則其隱忍貪狠舞文弄法必有大

過於羣吏書之所爲者矣本官利其文移通熟

反多愛護此輩因之狐假虎威出入招搖不可究詰以

臣

所聞如張天鼎揚州府學生員也現

充江南總督書辦戴渭臣仁和縣學生員也現

充浙江巡撫書辦沈宗玉湖州府學生員也現

充浙江巡撫書辦天鼎害衆成家近知士民切

齒希圖納粟入監渭臣戀缺生奸陰排下手徐

卿陷置獄底宗玉在官飽橐圖謀善後欲援府

庠生丁如立爲接手申名易姓此去彼來何儒

蠹之相傳竟展轉而無已

臣

思學道以衡文訓

黃門奏疏

卷上

十九

士爲職士爲人役而不能覺察除名是昏憤也督撫按以振綱肅紀爲任明知其爲士而竟役之是徇縱也請

敕該督撫按嚴查天鼎等何年充買書吏果否仍列

學冊立時革究并通行各省凡有生員爲衛役

者盡數除之如仍立頂首名色重價買充計數

論贓與受均置重法倘或陽革陰畱卽治督撫

按以徇庇之罪庶爲士者皆以端方自厲而蠹

根可除矣更有在官壞法躬挾餘貲夤緣入泮

爲護身符牒廩生見小利而扶同保結教官愛束修而不詢由來遂使列名巒序冒跡儒林究之把持官府包訟逋糧其長技也習尙不端大率由此若往年繆邦達以衙役改名濫中奉旨革去舉人着刑部究擬誠以名器之不可假也今各省學宮豈無如邦達之類者與其有玷賢書事後叅革何如釐正學冊慎重始進者之爲得也哉應

敕各省學道徹底清查行該學教官各具甘結如有黃門奏疏

卷上

二十

衙役出身倖進者據實申報立刻除名倘容隱不舉或被有人訐發或經科道指叅學道教官一體議處至考校儒童更須嚴互結以重始進匪類旣去則經明行修所關於民生士習非淺鮮也伏祈

鑒宥施行

順治十六年閏三月廿四日具題本月廿八日

奉

旨這所奏事情着嚴察議奏該部知道

禮科右給事中 臣 楊雍建謹

目題爲會試屆期請嚴私謁之禁以絕夤緣定首告之例以窮奸弊事近者滇黔底定禮闈再舉四海人士羣踴躍以赴功名之會甚盛典也自丁酉懲創以來中外振肅斷無不愛惜身命自干法紀者獨是曠典攸行除弊務盡 臣 備員禮垣竭思盡職竊惟所當先事而誌飭者莫如私謁京之禁宜嚴與首告之例宜定也嚴私謁之禁若何士子愛其身如圭璧蓋言慎也况乎關山迢

黃門奏疏

卷上

三

遞跋涉而至

京華勞頓已甚縱有倚馬之才亦須靜養以待乃或輕躁之士好言聲氣投刺長安徘徊乎公卿之門往來於知交之室廣播文彙則自號名流遍投詩箋則居然風雅於是儀文以致慇懃宴飲以盡款洽卽此標榜酬酢之際遂生關節授受之私自今請

旨嚴禁凡會試舉人場前不許投刺私謁在京官員違者

題叅一體治罪蓋往還之跡既嚴則曖昧之私自  
絕矣定首告之例若何

朝廷貢舉大典期得真才若賄買行私誠

國法所不宥有能搜剔弊端赴官陳告庶幾奸人  
知所儆惕但人情憚於賈怨往往止匿名開揭  
莫肯呈身質對如以事屬無憑槩置不問則作  
奸者必多漏網若據匿名所指竟加譴責則被  
罪者未卽甘心且其中豈無挾私忿而逞誣陷  
者乎臣愚以爲欲審是非之真須定首告之例

黃門奏疏

卷上

三

科場情弊果係聞見真確務要的名直書或赴  
鼓院登聞或在五城舉首卽將首狀密封請

旨嚴審兩造質對真則作弊之人立置重典虛則誑  
告之徒加等反坐蓋奸人旣無從幸脫而刁詐  
亦莫敢橫行矣如果臣言不謬伏候

睿鑒施行

順治十六年五月初三日具題本月十一日奉

旨該部議奏

禮部題爲會試屆期請嚴私謁之禁等事儀制  
司案呈禮科右給事中楊雍建題前事奉

旨該部議奏欽此該<sub>臣</sub>等議得舉子應試來京原應

靜候試期如有輕躁之徒借文稟詩箋干謁標

榜者應嚴行禁止凡後會試舉子除京官父兄

子姪至親不在禁例外其余槩不許場前私謁

以杜往還陋習至于科場弊端誠宜糾舉但止

據匿名謗帖挾私誣陷勢難得實以後果有關

節授受親見的確出名首告者親身赴鼓院登

黃門奏疏

卷上

三

聞該科道官會審明確卽爲密封候錄良法

旨敕審兩造赴該衙門質對情真將作弊之人立置

重典如涉誣告加等反坐至有假捏姓名粘貼

謊揭相應

赦下巡城御史嚴行訪拿以杜挾私誣陷之弊可也

奉

旨舉子場前不許私謁京官投送詩文原爲禁絕營

競弊竇本內但云嚴行禁止未議犯者作何處分匿

名揭帖律例原禁其出名告發科場關節授受有據

者本內但云立置重典亦未明言何典如此草率具覆殊不合理還着嚴加詳議具奏

禮部題爲會試屆期請嚴私謁之禁等事儀制司案呈覆禮科右給事中楊雍建題前事等因

旨還着嚴加詳議具奏欽此該臣等議得今後舉子

有場前違

旨借詩文投謁京官者本官卽時舉發應將舉人斥革如本官容隱不舉經科道據實糾叅者舉人

黃門奏疏

卷上

三

斥革官聽吏部嚴加議處至於科場關節果係出名告發審明授受有據者照丁酉科南北兩闈犯事考官舉子大辟流徙等項應聽刑部察照治罪如涉誣告嚴行反坐伏乞

敕下臣部轉行申飭施行奉

旨會試舉人場前投遞詩文干謁京官最爲可惡以後有犯的着革去舉人下刑部究擬京官不行舉首事發一體重治科場關節出名告發授受有據的俱照丁酉科南北兩闈例重處如係誣告反坐爾部卽

嚴行申飭

黃門奏疏

卷上

三五



嚴行申飭

禮部右給事中 臣 楊雍建議

題爲急籌三省援勦之策以振

國威以靖海氛事 臣 惟天下之勢有見爲至急而

正當乘機以制勝者則今日之海逆是也彼窺

伺江南志在剽掠論者以賊踪聯絡漸逼境地

不無過慮而 臣 竊以爲不然蠢茲海逆蕩漾島

嶼飄忽無際出沒不常我兵向患無從殲擊今

旣聯翩而至此正

天厭元兇延頸待命之時

黃門奏疏

卷上

三

禁旅前驅膚功克奏將見靖厥根株一勞永逸斷

不令飽颺而去貽後日憂也蓋賊所恃者舟楫

我所長者弓馬如用力堵禦猶恐彼處其逸我

處其勞惟誘賊舍舟登陸而用我之長技以禦

之賊未嘗強我未嘗弱何嫌何疑而不殄滅此

醜類乎况賊衆旣集江南則其巢穴必虛搗厦

門以斷其歸路者聞督諸臣之事也於溫台宜

紹濱海門戶在在固守扼其吭而制其背者浙

督諸臣之事也皆當密

敕任事以期成效夫天下事每成於相濟而敗於相  
誘今賊犯閩閩之官兵自爲戰守如遯而之浙  
則閩勿之問矣賊犯浙浙之官兵自爲戰守如  
遯而之江南則浙勿之問矣賊犯江南江南之  
官兵自爲戰守如遯而之浙之閩則江南亦弗  
之問矣此衝彼突迄無寧晷臣不知其可也臣  
聞善戰者必知分合善守者必知常變分則各  
守其汛合則相助爲理分守者爲常合助者爲  
變大抵防兵不得擅離汛地應於浙閩江南三

黃門奏疏

卷上

三

省各設將增兵議駐交界要地以爲互援之計  
如賊犯某省該總督卽移會鄰省於要害處愈  
加周防以待賊徒之逸倘彼越入本地卽調發  
援兵併力擒勦毋得推諉懈弛蓋近則神速而  
不患後時合則堅強而弗憂孤壘如臂指之相  
使若首尾之互應三省成一體之勢而海賊無  
容身之處矣總之殲賊之黨奪賊之船者上策  
也固守海口不令登岸使坐困者中策也驅賊  
使退與民休息者下策也若賊至束手賊退報

功謂之無策該督撫鎮將當痛加勉厲協力圖  
功無取妝點門面掩飾目前是該督撫鎮諸臣  
上爲

國下爲軍爲民而亦卽所以自爲其身也 臣 書生

不諳兵事憑臆指陳伏惟

鑒宥施行

順治十六年七月十四日密題

黃門奏疏

卷上

天

順治十六年七月十四日密題

鑒宥施行

不諳兵事憑臆指陳伏惟

國下爲軍爲民而亦卽所以自爲其身也 臣 書生

上爲

功謂之無策該督撫鎮將當痛加勉厲協力圖  
功無取妝點門面掩飾目前是該督撫鎮諸臣  
不諳兵事憑臆指陳伏惟

禮科右給事中 臣 楊雍建謹

題爲封疆責在樞臣運籌獨勞

睿算仰祈

天語嚴飭責成以儆尸素以崇

國體事稽古大司馬之職掌九伐以正邦國制軍  
詰禁是故寇賊奸宄責在中樞由來尙矣我

皇上神武天縱一切樞略悉出

廟算洞如指掌然身膺樞務者亦當畱意封疆悉心

參酌綢繆調度慮周末雨仰副

黃門奏疏

卷上

二五

皇上簡任至意乃邇來海氛告警突犯江南目今

禁旅星馳定當滅此朝食立

星奏蕩平但不知樞臣平日之運籌者何在且一應

密

奏奉

旨皆樞部議覆諸臣所不得聞者宜其聞之熟矣豈

有職掌軍機於凡地形之要害防兵之多寡勦

撫之得失鎮將之優劣戰守之緩急功罪之是

非不發一謀不建一策而僅以隨事具覆依樣

葫蘆遂爲無忝斯任者不亦負

君恩而誤

國事耶臣屢閱該部覆疏不日今應再行申飭則

曰臣部難以懸議敘功則不察其虛實紀錄則不審其高下唯諾苟且套習相沿若非

綸音駁正竟且視爲故常而不知改矣當此小醜未靖凡爲臣子無不發憤以圖報效在樞臣尤宜痛自刻責引罪不遑乃自警報以來因循如故既不能盡心經畫預定策於幾先又不能反躬

黃門奏疏

卷上

三十一

認咎冀收效於事後夏卿何官中樞何地而泄泄至此臣恐

皇上宵旰於上而樞臣優游於下殊非所以重樞務而鼓六師也揣其意不過謂地方多事該督撫之責於我何與獨不思督撫分任於外樞臣決勝於內督撫之失職總由樞臣叅贊無能一味推諉所致伏乞

皇上嚴飭樞臣痛改積習凡軍務重大實意擔當一切機宜不時密疏

奏請定奪毋循覆議成套便謂了事其在目前亦  
當引罪以昭大體庶

朝廷設立中樞之意不致虛糜而封疆得所專責矣  
順治十六年七月十四日題本月十六日奉

旨這所參事情着兵部明白回奏

交兵部尚書等奏爲遵不合監營親自回奏

旨明白回奏事兵科抄出禮科右給事中楊雍建

睿鑒題前事奉

旨這所參事情着兵部明白回奏欽此欽遵臣等查

黃門奏疏

卷上

三

旨臣科臣疏稱云謹據實明白回奏恭候

睿鑒施行奉

旨樞臣職司戎務調度機宜須盡心籌畫方爲不負

委任這回奏巧言飾辯殊不合理還着明白回奏

旨臣謹據實明白回奏

順治十六年七月十四日題本月十六日奉

旨這所參事情着兵部明白回奏

旨臣謹據實明白回奏

奏請定奪毋循覆議成套便謂了事其在目前亦

禮科右給事中

臣

楊雍建謹

奏

題爲徵臣前任帶徵司冊完欠不符謹據事直陳

仰祈

聖鑒

睿鑒敕部察核事

臣

辦事垣中見廣撫董應魁請舒

江南三大困一疏內開粵東各官十五年分帶

徵十二三十四年錢糧完欠分數查工部四

司料價

臣

前任高要縣時全完十分冊內開註

已明無容置喙外惟戶部民糧本折兵部驛傳

節裁未完數內俱列臣名

臣

閱之不勝悚異

臣

黃門奏疏

卷上

三

細查冊內有

臣

已經透完分數仍註未完

臣

能默默以處此也據藩司冊報十五年分帶徵

十二三十四年民糧本折謂

臣

自十五年正

月初一日起至三月十九日止經管七十九日

該徵銀貳百陸拾肆兩叁錢零未完十分但

臣

查十四年帶徵冊云十四年分該完銀玖百肆

拾伍兩柒錢零全完訖計完十分冊內復云又

催完十五年分帶徵銀貳百陸拾捌兩貳錢零

則是十五年帶徵之銀

臣

早於十四年催完以

額數計之尙多完銀叁兩玖錢也乃於十五年  
敘參冊內將此項帶徵全完之銀誤開未完十  
分此臣所不得不請

旨察核者一也據藩司冊報十五年分帶徵十二

三十四年驛傳節裁謂臣自十五年正月初一

日起至三月十九日止經管七十九日該徵銀

肆拾肆兩柒錢零未完十分但臣查離任造報

底冊二十三三十四年分驛傳節裁每年該徵

銀壹千壹百肆拾叁兩壹錢零查十三十四年

黃門奏疏

卷上

三三

臣俱完解十分訖並無未完之銀無可帶徵其

十二年分除完過外止未完叁百餘兩臣已催

完壹百伍拾捌兩零於十五年三月十八日批

差巡檢汪起蛟解府投納訖所解之銀卽是帶

徵前項係臣十五年經管七十九日任內所解

也且查十五年經徵驛傳節裁冊內謂臣全完

十分外又多徵完銀貳拾叁兩捌錢貳分流抵

下官應徵未完之數夫多完者可以流抵下官

則未完者亦當責成見任乃既有完解之銀又

以肆拾肆兩柒錢壹分陸釐計日以算而作十分未完此臣所不得不請

旨察核者又一也總之臣果未完不敢隱諱於

皇上之前臣所已完豈甘竟列於不完之數伏乞

敕部細加察核則完欠自明矣緣係前任帶徵事理

爲此據冊直陳伏惟

睿鑒施行

順治十六年十月十八日題本月廿八日奉

旨該部察議具奏

黃門奏疏

卷上

三

旨該部察議具奏  
順治十六年十月十八日題本月廿八日奉  
旨該部察議具奏  
黃門奏疏

煉研聯派案辦順安人自開案案辦前  
皇土之前  
日察核者又一也總之  
果未完不敢隱諱於

臣所已完豈甘竟列於不完之數伏乞  
敕部細加察核則完欠自明矣緣係前任帶徵事理  
爲此據冊直陳伏惟  
睿鑒施行  
順治十六年十月十八日題本月廿八日奉  
旨該部察議具奏  
黃門奏疏

禮科右給事中 臣 楊雍建謹

題爲闡邪說以正人心事 臣 惟六經之道炳若日

星用以窮理盡性閑邪存誠其來尙矣學庸語

孟四子之書所以發明六經而宋儒朱熹集註

又以發明四書者也詞確而道該使習其解者

涵泳於義理之域而體驗於人倫日用之間爲

功最鉅自古迄今莫之能易未有逞一己之臆

見毀先哲之格言而可刊布其說自鳴得意者

臣 從坊刻中見有張自烈四書諸家辯不勝駭

黃門奏疏

卷上

三五

異何其敢於駁朱註而伸狂辯也書中所云大  
抵言章句之誤集註之泥止善不遷之解詆其  
膠固不通三綱八目之稱謂非經文本旨格物  
致知譏補傳之涉贅率性修道訛人物之難兼  
諸如此類不可枚舉總之尋章摘句無非捕影  
之詞累牘盈篇盡是畔道之語 臣 辦事禮垣見  
各省解到試卷多有文體浮靡若山東陝西等  
處其字句舛謬不一皆因理學未明學臣訓迪  
無術所致此書遍布好事者從而附會之是教

天下士子以新奇可喜之論而顯悖章註則程朱之說棄矣程朱之說棄而孔孟之理不明正所謂邪說誣民充塞仁義者也又有四書大全辨開端則援引交遊稱述書札不過皆明末陋習欺世盜名其非端人正士已可槩見以至譏訕先賢崇尚異說止以快一時之辨而不知其獲罪於名教者不小也我

皇上隆重聖學廣厲澤宮取士必遵傳註是以經學粲然正如日月經天何可使曲學之徒逞私辯

黃門奏疏

卷上

以亂指歸也伏乞

敕下該部火其書削其板闡明聖賢之道以示天下併飭各省學臣嚴查坊間如有此等私刻永行禁止庶先賢傳註不爲異說所奪而學術大醇人心可正矣

順治十六年十月初十日題本月三十日奉

旨禮部察議具奏

禮科右給事中

臣

楊雍建謹

奏

題爲今秋鄉試屆期北闈簾官宜慎請祈先事嚴  
飭破除往例不必拘定衙門臨期廣行開列仰

候

欽點以絕揣摩弊端以光

正

熙朝文運事

臣

惟士子之致身也必始進以正而後

真材輩出

朝廷收多士之功人臣之報

主也必公足生明而後爲

黃門奏疏

卷上

三

國求賢

簡命無覆餗之懼若乃任意營私混淆賢路上負

君恩下玷名節真有污

盛世之斧鉞而未足蔽厥辜者矣

臣

於丁酉科南

北鄉闈關節敗露俱經正法迄今猶服

皇上之明斷而恨匪類之貽羞也在

王法無私自足使羣邪膽落猶慮日久滋玩邪慝

復萌不得不鯁鯁過計焉

臣

惟北闈同考各官

向來限定中行評博衙門及守部進士內取用

人得屈指計算奸弊易生不肖官邪隱然自負  
視分校爲故物先事招搖以致敗類劣矜鑽營  
百出趨終南之捷徑走險如鶩雖科場作弊法  
百端所不圖亦官亦不爲也

赦與其事後誅極曷若先時豈防合請

天語預敕該部於今秋北闈除主考屆期照例開列

請

皇上親點外其同考各官大破往例不必限定某衙

門致生私揣或於五部郎中員外主事中行評

黃門奏疏

卷上

三

博國子監等官及近畿廉慎素著甲榜推知臨

時一併開列進呈

睿覽恭候

皇上點用數員卽刻入簾其守部進士一槩不用以

杜奔兢之門且見今鄉試中額業經奉

旨減半則同考官亦不必仍用多人蓋開列既衆則

可否未定難爲揣摩而取用者少則責成更專

人知自愛從此首善肅清賢書無忝天下仰文

治之盛而薄海胥慶同風矣至於在外各省同

考各官皆係該撫按聽藩司取用前此因人選  
擇易於徇私卽憑文考定亦成故套大抵每用  
一內簾官藩司交通撫按以爲攫金取利之符  
卽有託名公闖究竟巧通線索多有費至數百  
金或一二千金不等旣出重貲勢必取償關節  
褻視名器此下西南闡之弊可鑒也今應請

敕在外各該撫按公慎酌量不得假手藩司借端騙  
索其所取各官廣列少用或慎取本省推知或  
調取鄰省推知更移互用則人情未習衡鑒必

黃門奏疏

卷上

三

公總宜密咨取到卽時入闈無致早行聘取先  
住省會致滋弊竇難爲防範倘所用匪人闈中  
作弊許主考不時糾叅俟行查係某撫某按取  
用者一體連坐如主考與同考官通同作弊許  
撫按不時糾叅庶上而遴取者不敢有徇私妄  
舉之弊下而共校者亦不敢以身家性命爲嘗  
試矣臣備員禮垣理合預陳伏乞

皇上飭部詳議施行

順治十七年正月廿五日題二月初六日奉

旨禮部議奏

禮部議奏

臣等謹將所請之案

臣等謹將所請之案

臣等謹將所請之案

臣等謹將所請之案

臣等謹將所請之案

臣等謹將所請之案

臣等謹將所請之案

黃門奏疏

卷上

罕



臣等謹將所請之案

臣等謹將所請之案

臣等謹將所請之案

臣等謹將所請之案

臣等謹將所請之案

臣等謹將所請之案

臣等謹將所請之案

旨擬請議奏

禮科右給事中 臣 楊雍建謹

題爲鹽法有難清之弊積蠹多蟠據之奸請

赦戶部轉行該差御史嚴查釐飭以銷壅引以足額

課事竊惟鹽稅關軍餉之需引日有歲銷之額

兩浙鹽法日壞引壅鹽積致煩鹽臣之蒿日請

舊課之停徵抑知民間食鹽何嘗減少歲引常

額何以難銷必有相仍積弊未能徹底清釐以

致行鹽多而銷引少若因循不革壓舊欠新必

有虧課之患 臣 謹就風聞所及一二弊端爲我

黃門奏疏

卷上

四

皇上陳之兩浙年額行鹽六十六萬七千引零每引

額鹽二百斤加包索滷耗二十斤浙西包補課

課又加七斤此定例也比聞邇來運鹽有重至

二百六十斤者及赴所秤掣尙有餘斤割沒夫

每包之數加重至三四十斤是十引之中夾帶

幾及二引通計一歲額銷正引內帶無引私鹽

十餘萬包矣民間食鹽有數引內夾帶無窮五

六年間必且壅一年之課此當清釐者一也引

鹽掣發過所浙東由富陽三關浙西由蘇湖二

門向例府縣秤盤及到應賣地頭亦聽印官抽  
驗然後開引近聞關門槩行點包地頭不復秤  
驗不惟引鹽原重而沿途添灌夾帶彌多鹽斤  
之重愈甚則引日之銷愈艱此當稽核者一也  
杭郡之餘杭地連徽嚴向止有肩挑小票不設  
引鹽比聞新立小引乘機夾帶私販他方松屬  
之華亭上海青浦三縣引鹽例於蔣涇埠秤掣  
以其僻在海濱無礙行鹽地方也若蘇屬之崑  
山常熟嘉定太倉舊例必於嘉興所秤掣近且

黃門奏疏

卷上

四

移并蔣涇埠改爲松江所秤掣之後不由嘉興  
竟往各州縣地僻港多無從查核聞有加重至  
四五百斤者私販行則正引滯鹽斤重則銷額  
遲此當更革者一也商人執法爲奸營私射利  
宜若立見肥家而往往傷財力之重困苦額稅  
之難清者蓋有積蠹奸胥從中蠶食先飽其狼  
貪之欲而後縱商人以鼠竊之奸故

國受其弊而商不蒙其利

臣

聞兩浙巡鹽衙門書

吏承差各役多屬積年奸棍或父子兄弟相繼

古戀或伯叔甥舅表裏爲奸隱姓名移甲換乙茶毒商竈紊亂鹽規該差未見指名叅奏至其作弊嚼商科派索詐之事不可枚舉大抵書吏把持於中承差奔走於外戶部一例之舉行動謂由承差之幹辦鹽臣一事之興革卽稱係掌案之轉移派京費則每引均攤勒使用則捱家需索如部發引目包索油布腳價盤費乃所必需及解部硃紙每引不過分釐之間而比聞派至六分以外秤掣鹽斤照額爲準平則放行多則割沒本有定規何須使費近聞每次掣鹽未掣之際先定鹽斤割沒之多寡悉聽書承講定任意低昂及秤掣之時書役有免委減劬加鈞批掣供應公費之需求承差有監摯監艚傳旗叫牌填封發封催掣擺幫之橫索名目甚多費用無紀無怪乎商人重困而妄欲取償於加重之鹽劬也且如沿海縣場歲徵本折額課以三限全完邇來未至限期運司分司紛紜差擾重以巡鹽承差接踵屢催動輒科索差錢不飽

不已嗟嗟窮竈其何以堪又如私鹽之禁職屬  
官捕遇有大夥鹽梟及勢豪窩頓捕役力不能  
勦者應聽該地方府縣官據實申請設法擒拿  
亦須船鹽現獲始有實証乃或止憑承差片紙  
之申報卽差提四出嚇詐咆哮審質則事無確  
憑而差拿則家已立破夫承差止供賣奏之用  
豈應承票催餉提人總由與蠹書表裏交通多  
方作弊凡可以嚇詐誅求之法無所不行如此  
則商安得不貧引安得不壅

臣請

黃門奏疏

卷上

四

敕部嚴行該差御史將逐一弊端徹底清查是否有  
無詳確具

奏并察積蠹壞法之奸訪實嚴究已後大加整刷  
剔弊甦商庶舊課可以漸銷新引不致復壅矣  
如臣言可採請

皇上嚴敕施行

順治十七年正月廿五日題二月初九日奉

旨該部嚴察議奏

禮科右給事中 臣 楊雍建議

題爲嚴禁社盟陋習以破朋黨之根事 臣 聞朋黨

之害每始於草野而漸中於朝宁蓋在野旣多

類聚之私而服官必有黨援之弊如明季仕途

王言分門立戶意見橫生其時社事孔熾士子若狂

如復社之類凡一盟會動輒數千人標榜爲高

無不通名當事而縉紳大夫各欲下交多人廣

樹聲援朝野之間人皆自爲於是排擠報復之

皇上端起而國事遂不可問矣我

黃門奏疏

卷上

聖

皇上鑒前之弊

特諭臣子當砥礪品行奉法盡職不可因事疑揣致

開黨與之漸如明末羣臣背公行私黨同伐異

大哉

王言所以擴公忠之益塞比私之路大小臣工孰敢

不洗滌肺腸恪修職業以仰副

睿懷者 臣 竊以爲拔本塞源之道在於嚴禁社盟苟

得社盟之陋習未除則黨與未可得而化也 臣 聞

社盟之習所在多有而江南之蘇松浙江之杭

嘉湖爲尤甚蓋其念始於好名而其實因之植  
黨於是家稱社長人號盟翁質鬼神以定交假  
詩文而要譽刻姓氏則盈千累百訂宴會則浹  
日連旬大抵涉筆成文便爭誇乎壇坫其或片  
言未合思構釁於戈矛彼此之見旣分朋比之  
念愈切相習成風漸不可長又有不肖之徒節  
其虛聲結交有司把持衙門鬪說公事此士風  
所以日壞而人心由之不正也臣見福按李時  
茂惡棍結黨立社地方受害難堪一疏內稱福  
州會闈有社黨各分門戶如至德北林西藍等  
社其社首陳子佳等結衆斂金橫行城市尋非  
啓釁攘臂爭雄列款特叅奉

旨着該撫行提嚴究追擬凡此惡習皆始於儒生而  
流及市井小人尤而效之者也臣伏讀

欽飭學政全書有云生員不許糾黨多人立盟結社  
把持官府武斷鄉曲所作文字不許妄行刊刻  
違者聽提調官治罪煌煌

功令非不明肅但恐學臣視爲故套士子積習難更

若不力行嚴禁何以杜漸防微請

敕該部再爲申嚴行該學道實心奉行約束士子不得妄立社名其投刺往來亦不許仍用社盟字樣違者治罪倘學臣奉行不力聽科道糾叅一併處治則陋習除而朋黨之根立破

朝廷大公至正之意於此共見矣如果臣言不謬

睿鑒施行

順治十七年正月廿五日題二月十三日奉

黃門奏疏

卷上

聖

旨士習不端結社訂盟把持衙門鬪說公事相煽成風深爲可惡着嚴行禁止以後再有這等的各該學臣卽行革黜叅奏如學臣隱徇事發一體治罪該部知道

欽此

欽此

欽此

欽此

欽此

禮科右給事中臣楊雍建謹奏三月二十三日奉

諭奏為改給奉有

諭旨伏乞聖天恩 不勝對揚

敕部一體咨咨

題給新銜以廣一 暨恩 餘限用 父母文 良榮而

皇仁事臣 給介外吏荷與同 五麻外 心

皇上特恩拔置科員外 吏有受選賦今 對命

高厚之德捐糜莫報覆餗之懼日夕恐惶乃復仰邀

恩典榮及所生查吏部題覆臣 同官薛鼎臣疏內

黃門奏疏 卷上 四

覃恩改給一款先任外吏陞任京官品同照例改給

高新 銜奉有莫 存應 給之 案文 題對代 奏時

俞旨欽遵有案臣 先任廣東高要縣知縣今授給事

皇中 俱係七品與會典例正相符伏乞

敕部照題定事例一體改給則臣 之父母及身榮而

殊時 益榮者皆沾被我

皇上錫類之仁矣臣 不勝惶悚待

命之至 題給奉旨

順治十七年三月十八日具奏三月初三日奉

旨吏部察例具奏

黃門奏疏

卷上

四九



旨吏部察例具奏

禮科右給事中

臣

楊雍建謹

題爲請剔假冒之姦永杜囑託之弊以肅

詔令以清法紀事

臣

伏讀十七年正月二十五日

詔款內有云私書囑託罪在不赦誠以公私之介卽

國事得失攸關人品邪正所係向來吏治混淆民

生沾危率由囑託成習徇私害公我

皇上洞悉前弊特申

明禁內外諸臣當無不屏卻情面盡絕請託兢兢

自愛而畏犯法矣

臣

愚以爲囑託既有明條而

黃門奏疏

卷上

五

假冒尤宜痛究五方寥廓詐僞易滋積棍神奸

每多潛藏京邸肆行不法往往僞刻圖篆捏造

皇上書函出歷郡邑冒稱職官規知飾無稽之言綴

不根之語指名囑託哄誘聽聞此尤賢者不及

國防而夫外關人品取五

王法難輕貸者揆其情弊約有二端或羶逐情濃

臨公度此方之可適而招搖誣騙希遂貪饕之願或

謀爲機巧受他人之指使而憑空捏寫陰播陷

害之私鬼蜮伎倆種種叵測其計得售則利歸

已而害歸人偶被看破彼亦遠舉高飛脫然無  
患若不嚴拏重治不幾以職官之聲名供惡棍  
之影射哉往如假官假旗則有金震假稱欽取  
則有錢見龍假稱藩差則有平國祥假稱巡方  
則有鄢德禹俱經敗露奉一冊旨正法近更有詐冒欽差乘驛誑騙者似此膽大包  
天目無三尺名器可假

簡命可假又何私書囑託之不可假也查十五年部

覆臺臣李之芳嚴察假冒棍徒一疏內稱官員

黃門奏疏

卷上

至

子弟有仗父兄之勢各處投謁官府說事納賄  
者亦有姦棍謊稱官員親識招搖拜謁詐騙財  
物者請

敕在內五城在外各該撫按行令各屬嚴緝訪拏從  
重究治如地方官不能覺察一併究治奉有

嚴綸欽遵在案年來

功令彌肅內外遙隔偽冒易乘

臣

聞有惡棍徐晉錫

原籍浙江金華府人專一指稱宦戚周遊直隸

真順廣大等處晉謁官府投遞假書恣行騙索

已非一日地方各官無有摘其奸而置之法者  
明係昏庸成習誰是摘發如神夫違禁囑託律  
法昭然卽如略陽知縣馬如龍私書囑託業經  
該撫糾舉獻縣舊令李廷橋求情欺壓

臣

同官

訪聞入

告可見來歷情真尙當參處以儆官邪况乎假冒豈

容徇縱臣恐詐冒私囑如徐晉錫者正復不少

合請

敕部再行通飭內外各該地方官員畱心體察着實

黃門奏疏

卷上

五

嚴拏如遇前項棍徒踪跡詭祕假冒私書騙財  
播害者加等治罪無致兔脫倘徇情隱忍別經  
發覺一併重處更

敕順天巡按遍行所屬緝拏徐晉錫明正其罪以申

國法則懲一儆百而奸徒斂迹矣若夫杜請託之

根原防假冒之流弊先從部院卿貳及科道諸

臣始蓋部院卿貳位望崇高易於假託科道俱

有言責動招怨尤保無棍徒巧爲影借聳人聽

信或故爲指稱汚其名節務期實心砥礪至公

無私除家信平安事屬無礙外若果事關囑託  
自干罪戾倘有姦棍僞冒情弊所當訪實糾參  
以懲詐僞而戒徇縱者也臣從官方起見冒昧  
瀆陳仰祈

睿鑒嚴飭施行

順治十七年三月廿四日題四月初四日奉

旨該部嚴察議奏

黃門奏疏

卷上

五

自茲將職與銜

順治十七年三月廿四日題四月初四日奉

旨鑒嚴飭施行

與期仰祈

以懲詐僞而戒徇縱者也臣從官方起見冒昧

自干罪戾倘有姦棍僞冒情弊所當訪實糾參

以懲詐僞而戒徇縱者也臣從官方起見冒昧

禮部右給事中

臣

楊雍建謹

題爲直陳登

聞四事請

旨申嚴以肅官守以通民隱事登

聞鼓之設所由剖明寃抑伸理重情其關係甚鉅而

職任難忽向有定例遵行已久但恐久則玩玩

則無震是貴申嚴成法力破積弛然後綱紀可

肅治效畢宣

臣

謹就規條所最切者備列四事

爲

黃門奏疏

卷上

五十四

皇上陳之一曰定專差以杜推諉一曰慎會議以防

寃濫一曰懲替告以儆刁詐一曰刊榜示以飭

章程何以言之凡直鼓職掌每日輪科道官各

一員共司其事遇有擊鼓者將狀詞情節面同

推勘應否准收俾無寃滯誠重之也但逐日更

換忽爲故套參差不齊豈無畏避煩難任意推

卸以今日之事而姑諉諸明日者莫若專任厥

事有所責成合無比照光祿十庫等差請

旨特差科道各一員專司鼓狀令其每季一換季終

差竣通計三月之內有無封進狀詞造冊奏明  
請官更替雖欲諉卸有所不能則職掌庶乎無  
曠矣故曰定專差以杜推諉也凡直鼓科道收  
到狀詞卽定日期會同本科道各員從公酌量  
以定封駁然或識見不齊議論難一不應封而  
封恐至溷瀆

天聽應封不封又慮壅抑下情若使偏執已見徇私  
背公抑或雷同附和漫無可否均非靖共之誼  
夫伸寃理枉原無假借游移是必先觀其狀之

黃門奏疏

卷上

五

果否合例再詢其事之果否實情無執任私意  
無隨人唯諾虛公定議協於至當則封駁庶乎  
天聽不苟矣故曰慎會議以防寃濫也凡官民人等  
果有寃抑事情當親身赴訴或本人見在羈繫  
勢須抱告亦必親丁正身乃爲無弊近有一種  
惡棍包攬詞狀往往代人抹頸替人擊鼓當其  
抱狀來訴詢以情節支吾莫應而且架捏虛詞  
擊鼓遞呈有今日逐出不收而明日更換一人  
者總之妄冀封進借端肆害不行嚴究何知戒

懼嗣後抱告之人果係親丁務要確寫年貌以  
便稽查真偽如有棍徒代替情弊拏送該城御  
史嚴加刑訊枷號示眾則包攬庶乎斂迹矣故  
曰懲替告以儆刁詐也凡民間詞訟理應自下  
而上向來未諳說以故事虛情欺  
題定事例內外各衙門有真正貪賊虐害不公不  
法及地方重大緊急事情六部督撫按不行處  
治又不奏

聞方准具本連原狀封進若係瑣事虛詞混行擊鼓  
黃門奏疏

卷上

五

准監鼓官徑責三十板至於官員被革被降欲  
辯者俱應赴通政司具奏該司審確封駁其奸  
民假託條陳希圖倖進尤可痛恨相應嚴禁奉  
旨在家邇來刁謏愈熾其未由督撫按三處告理或  
雖告理而未結徒以瑣事虛詞混行擊鼓者不  
少至如辯復前程假託條議亦嘗見之蓋鼓狀  
雖有定例而未經刊示或者未能通曉伏讀

上諭嚴禁奸民抹項具告

特命刑部行直省各地方官刊刻榜示一體欽遵登



禮科右給事中 臣 楊雍建謹 奏

題爲旱荒萬分堪軫亟陳救災實着以沛 雨未

皇仁以固邦本事竊惟國以民爲本民以食爲天歲  
逢饑饉人不聊生在念切民艱者鮮不動念而  
况乎死喪相望流亾載塗田土爲之拋荒盜賊  
是以竊發變亂之釀成甚易生聚之復安甚難  
此古之聖帝仁君往往遇災而懼思所以補救  
安全之爲謀甚悉也伏見今歲

京師亢旱雨澤愆期比日以來雖天氣連陰霽

黃門奏疏

卷上

五

漸降而旋復開霽未覩洶沱夏麥無收秋梁漸  
槁至於山東河南二省災傷疊報呼籲頻聞如  
彰德等府安陽等二十三州縣點雨未霑則見  
於撫臣賈漢復恭報旱災等事一疏濟南東三  
府一冬未有雨雪至今不雨如故兗東九屬昨  
年水災異常今歲復遭旱暵自泰安寧陽以至  
沂州郯城費嶧等縣兗州濟寧嘉祥金鄉如楮  
如焚而城武爲尤甚自去歲八月至今滴雨未  
降其運河之干東汶諸縣先水今旱亦有同然

則見於察荒臺臣陳秉恭報山左等事一疏濟  
屬去冬雨雪全無一春膏澤不降今時入夏亢  
旱日甚二麥高者盡枯窪者一穗不過數粒麥  
秋旣已無望禾苗又難佈種則見於河臣楊茂  
勳亢暘不雨等事一疏大抵河南一省半屬災  
傷而山東則到處亢旱獨是兗州以西接連江  
南淮安邳徐桃源宿遷一帶去歲旣經水滂之  
災目今復受旱魃之虐其困苦尤深以臣所聞  
道殣滿野十室九空運河臨水一帶饑民流離  
奔走動輒數千萬人本土不能賑卹撫安他郡  
不敢懷來安插鳩形鵠面保抱扶攜號泣震天  
悲慘賊目夫荒連京省數千里之地災不爲不  
遠矣雨澤之不降近者自三春至今遠者自去  
冬去秋至今旱不爲不久矣二麥顆粒無收粟  
米又將枯槁凶不爲不甚矣饑民流徙死亾沿  
途遍野動計數千萬慘不爲不深矣而內外大  
小臣工泄泄視之無地方之責者置之不問有  
地方之責者但能備陳其狀而無所爲修救之

方轉盼秋冬倘凶荒不改臣恐兗西一帶疊受  
水旱之災者弱填溝壑壯爲盜賊必且斷絕人  
烟而彰德等府濟南各屬安保其民之安堵豈  
居不至如今日之兗西郡縣也臣嘗讀小雅雲  
漢之詩咨嗟痛切反覆憂危有曰鞠哉庶正疚  
哉冢宰甚至膳夫趣馬莫不勤憫以念民艱蓋  
遇災而懼思所以回天心而救民命固人臣之  
責也今我

皇上敬

黃門奏疏

卷上

卒

天勤民

德意誠切始和

頒罪己之詔

深宮厪宵旰之憂而大小諸臣不能奉承

清衷寅畏

天變今半載以來驕陽乾暎呼號而

天不應祈禱而雨不流必實有所以感動

天心矜全民命而後可以維挽凶荒補救萬一臣請

皇上申飭內外大小臣工滌慮洗心實行脩省人懷

不職之懼其圖弭變之方不得仍前偷惰晏安  
恬然若處豐穰無事之日至於動

天以實心救民以實政非有奇策但貴力行臣謹釐爲

八款另疏

題請乞

敕下該部酌議速覆庶災變可回而小民有再生之  
望矣伏惟

皇上睿鑒施行

順治十七年五月二十日題廿五日奉

黃門奏疏

卷上

空

旨該部知道

五月二十日題廿五日奉

是上睿鑒施行

望矣伏惟

皇上睿鑒施行

題請乞

八款另疏

天以實心救民以實政非有奇策但貴力行臣謹釐爲

八款另疏

不職之懼其圖弭變之方不得仍前偷惰晏安

禮部右給事中 臣 楊雍建謹

題爲請廣直言事從古帝王遇災而警莫先於求

言蓋災異之來也必有所以召致之由其捍禦

之法也必有所以修救之道 臣 聞湯有七年之

旱禱於桑林以六事自責豈以聖敬日躋之主

當九圍底定之初而有是數失哉夫亦惟是兢

業小心不自滿假而爲此鯁鯁過慮也况盛王

之御宇也所可自信者夙夜求寔之心而所不

能必得者匡扶盡職之佐是以旁求直言務廣

黃門奏疏

卷上

三

聞見漢文帝因日食之變詔求極言敢諫之士

唐太宗貞觀十一年秋七月穀洛溢詔百官極

陳得失十三年五月旱詔五品以上言事此皆

古之英君明辟也招來而勸勉之位無崇卑皆

得自抒其所見其言當則用其言而顯其身其

言卽或迂疎戇直亦赦其愚而不之罪此所以

收明目達聰之用而事無壅蔽也今 由其

皇上欽

天子民乾乾夕惕萬無闕失之政而又獎借言路從諫

猶如轉圜廷臣有一得之愚皆得抗疏上陳而無所諱避顧以四海之廣萬民之眾一夫之不得其所亦能鼓其怨黷之氣而上干

盛治之和平豈可謂京省數千萬郡縣之中窮簷蔀屋無有咨嗟困苦而不能上達者乎今條利病劾奸貪臺諫之官固當有聞必告尤恐耳目有限心思不周其職可以無所不言而實於兵刑錢穀吏治民巖未嘗有專司之責以不周之心思用有限之耳目而謀其所未嘗專司之事其

黃門奏疏

卷上

三

所未盡敷陳者亦不少矣際此旱魃爲虐數省

同憂

臣請

皇上特沛

恩不周於下而實然其

綸音命內外大小臣工各就分職分土之所司凡有利病悉心條奏或政令有未宜刑獄有未當貪暴有未除猾吏有未革以及軍興饋運借芻輓以肆征求供億差徭困里甲而輸額外驛遞之繹騷或甚本折之辦解或艱或因工役而擾農民或縱追呼而害耕植所爲革弊釐奸之法內

自六部九卿外至督撫司道皆得據事直言而  
科道亦從而補陳其未備將見昌言之氣振民  
情之隱伸則上下交通休和翔洽而謂不能消  
陰陽之沴霈霖雨之膏者未之有也伏候

睿鑒施行

順治十七年五月二十日題廿五日奉

旨該部議奏

黃門奏疏

卷上

密

旨意稽議奏

順治十七年正月二十日題廿五日奉

旨意稽議奏

順治十七年正月二十日題廿五日奉

旨意稽議奏

旨意稽議奏

旨意稽議奏

禮科右給事中臣楊雍建謹

題爲請弭盜賊事年荒穀貴饑民羣聚其強有力者往往多爲盜賊賈誼所謂飢寒切於肌膚欲其毋爲奸邪不可得也從古荒年多寬盜賊之禁若宋仁宗時飢民劫困害者薄其罪神宗熙寧中詔河北災傷州軍劫盜罪犯者竝減死刺配廣南然司馬光又有議曰臣竊聞降敕下京東京西災傷州軍如人戶委是家貧偷盜斛斗因而盜財者與減等斷放若果如此深爲不便

黃門奏疏

卷上

五

周禮荒政十二率皆推寬大之恩以利於民獨於盜賊愈更嚴急蓋饑饉之歲盜賊必多殘害良民不可不除也嘗見州縣官吏有不知治體者或遇凶年有劫盜斛斗者小加寬縱則盜賊公行更相劫奪鄉村大擾不免廣有收捕重加刑罰或死或流然後稍定是始於寬仁而終於酷暴意在活人而殺人更多也夫盜賊之源不可不杜况饑窘則情迫羣聚則勢張始則搶奪米糧漸且肆行劫掠日久嘯聚依附者必多亂

皆由此而起然荒年之盜出於飢寒所迫與平時安心橫掠者不同撫輯消弭務須仁威並濟如果

特沛鴻恩與以賑濟是飢民已有得生之路始可禁

其劫掠而加以故犯之刑

臣請

敕下該撫按責成州縣有司察地方先有十百成羣嘯聚搶掠者差役給以曉諭告示備述

朝廷救恤深仁諭令卽日解散赴官安插復爲良民其仍前屯結不散劫奪爲非者申報本道差兵

黃門奏疏

卷上

五

撲剿蓋既有曉諭之明文而仍前不改是真盜也立加剿殺免使日久勢成至於城邑鄉村有團結十人數十人沿門打詐需索糧食及道上要奪銀米肆行無忌者立時拿究責治枷示懲一儆百蓋賑濟旣行得食差易禁其搶奪則貧富相安如有隱僻地方嘯聚多人州縣官不能覺察撫輯消弭者該巡按察實

題叅議處庶盜賊不作而安堵無驚除萌於盜黨未成之時不致貽患於凶年召亂之變矣伏候

睿鑒施行

順治十七年五月二十日題廿五日奉  
旨該部議奏

黃門奏疏

卷上

空



百篇補遺

順治十七年五月二十日題廿五日奉

睿鑒施行

禮科右給事中 臣 楊雍建謹

題爲請蠲租稅事

國家仁愛斯民凡遇災荒地地方撫按得以據實奏聞量免租稅惠至渥也今河南撫臣賈漢復旣以旱

災入

告其輕重分數委官察勘後另疏上

聞已望

皇上之矜恤之矣而山東全省及江南邳徐等處亦

有同情臣伏念今日當軍興未息需餉萬分緊

黃門奏疏

卷上

卒

急之時又荷

皇上大沛仁恩將十六年以前逋賦拖欠在民者盡

行蠲免止此本年之額餉用濟戶部之急需則

在今日而議蠲租誠爲不易然又思條糧之徵

由田畝而出田畝之熟待人戶而耕苟田畝無

收則小民口食之不足其又何能措處以完官

以空乏之赤身隨催科之嚴限至於萬難支應

則勢不得不盡室逃亾苟盡室逃亾則拋荒地

土日後開墾爲難是因一歲之糧而反誤數年

之餉也惟

思允蠲徵令有司明示曉諭則小民得免催科之擾  
歛丁土著者皆戀土而安居卽流亡者亦思歸而復  
業矣漢之文景平時常免田租之半及乎水旱  
蠲貸尤多唐太宗貞觀元年以山東早免今年  
租明太祖洪武元年令水旱去處踏勘實災稅  
糧卽與蠲免此皆古帝王恤民之美政也至如  
明孝宗宏治元年議准蠲免事例全災者免七  
分九分者免六分以次遞降法亦稍覈矣但其

黃門奏疏

卷上

完

時仍百年平治之後卽有荒土民未流亡是以  
免之分數不敵荒之分數今日之民若田畝十  
分全荒則戶口逃亡不復此不可不備爲籌畫  
也但所慮者奸胥猾吏借以營私賄賂旣入則  
以熟作荒需索不遂則以荒作熟東早災令  
朝廷有恤災之政而民間不蒙蠲免之仁臣請水旱  
赦下該撫按從實踏勘分別奏請昔水旱而  
聞如邳徐兗府疊災以後全荒者應盡與蠲免其山  
東東三府及河南彰德等府初經旱災者勘實

分數奏

請定奪如有胥吏朦朧妄報者察出從重議罪又  
從來蠲免租稅必俟撫按具

題奉

旨下部議覆然後允行文移往返動經歲月有司恐  
蠲免之未必果行畏以逋糧而致叅罰未奉

明綸之前早已迅速催徵及至豁免而民間已鬻女  
賣男輸納殆畢矣更乞

皇上特念非常旱災不俟該撫按開報分數先

黃門奏疏

卷上

七

願特諭令災傷郡縣曉然知蠲免之必行有司亦且  
停徵以待

題定分數如此則小民得沾實惠而井畝可以復  
安甦一歲之困所以利民而養百年之安亦以

利

國矣伏候

睿鑒施行

順治十七年五月二十日題廿五日奉

旨戶部知道

禮科右給事中 臣 楊雍建謹

題爲請訓平糴事歲旣凶荒穀價踊貴小民之資財業已耗竭而又苦甚貴之穀一斗之價常敵平時數斗有束手無措終爲餓殍而已每見地方奸猾之徒囤積米麥希圖射利博數倍之息以苦平民當此艱難飢餓之時若穀價稍平得省分毫銀錢卽可濟分毫之需糴升合糧食卽可霑升合之飽是平糴不可不亟講也宋文帝元嘉中三吳水潦穀貴人飢彭城王義康議以富商蓄米日成其價宜令積蓄之家聽畱一年儲餘皆勒使糴貸并爲制平價明嘉靖中陝西饑荒兵部尙書唐龍請各州縣官善言戒諭富室將所積粟麥先扣本家食用數足其有餘者照依時價糴與饑民若每石肯減價一錢尤見尙義減價至百石以上者官加獎賞若有擅富要利坐視民饑不與平糴者里老舉呈饑民告發官發銀兩儘數糴運上倉仍問重罪蓋減價出於好義之心而囤積實有要利之罪但使有

黃門奏疏

卷上

五

積必糶則穀值自平 臣請

敕下該撫按備令各屬州縣出示曉諭訓民平糶然  
初旱之土富家之蓄積尙多曩荒之餘閭里之  
蓋藏必盡若驟平穀價則外商利薄農足不前  
或反致騰貴者有之故宋趙卞之在會稽不減  
穀價而商賈輻輳請

令撫按諸臣悉心籌畫如民間有積粟者先行儘令  
發賣量地方積聚之多寡定米價貴賤之等差  
招來客商務期接濟仍設法通那如有無礙官  
黃門奏疏 卷上

銀可以借支及令大小各官土著富室量行捐  
助專差廉幹員役賫赴出米地方買運入境平  
價糶與饑民官銀仍與抵補捐助者卽行賑濟  
如此庶穀價稍平而饑民有更生之慶矣伏候

睿鑒施行

順治十七年五月二十日題廿五日奉

旨戶部議奏

黃門奏疏卷上終

元孫文蓀來

孫禮樂校刊

